

摛藻堂四庫全書薈要

經部

欽定四庫全書
春秋解義卷一千七百三十

經部

日講春秋解義卷五

桓公

名軌史記名允惠公之子隱公之弟以桓王九年即位謚法辟土服遠曰桓

元年

人君繼世踰年改元自是循數以編年雖久而不易至漢孝文改後元年孝武又因事別建年號歷代因之或一世而屢易或一歲而再更記注繁蕪莫可勝紀乃知春秋編年為萬世不易之法也

春王正月公即位

公年繼弑君不言即位此其言即位何如其意也
弑君欲即位故如其

意以著其惡

穀梁

桓無王其曰王何也

桓公十八年唯元年二年十年十八年有王自外皆

無王故傳據以發問

謹始也其曰無王何也桓弟弑兄臣弑君

天子不能定諸侯不能救百姓不能去以爲無王之道遂可以至焉爾元年有王所以治桓也繼故不

言即位正也弑謂繼故不言即位之爲正何也曰先

君不以其道終則子弟不忍即位也繼故而言卽位
則是與聞乎弑也繼故而言卽位是爲與聞乎弑何
也曰先君不以其道終已正即位之道而即位是無

恩于先君也

推其無恩則
知與弑也

繼故而書卽位則爲與聞乎弑何也以無哀先君
之心故泰然而行卽位之禮也桓公之書卽位與
文成襄昭同何以知其與聞乎弑也隱公之薨不
地不葬則不以道終顯然矣桓之篇十四年春不

書王以王綱不振故篡弑之賊得泰然而安於其位也元年書王以踰年即位正王法當行之日也然則公羊氏所稱桓幼而貴隱長而卑者非乎非也諸侯不再娶惠公元妃既卒繼室以聲子則是攝行內主之事矣隱之立正也其欲授桓實讓而非攝也隱讓而桓弑罪不容於誅矣

三月公會鄭伯于垂

穀梁傳
會者外為主焉爾

鄭伯所以欲為此
會者為易田故

鄭伯欲得許田以自廣是以爲垂之會蓋知桓之
篡逆意不自安特假以求賂焉度魯急於會諸侯
必從所欲故也夫鄭莊與隱公同盟締好今見其
賊不能討反有所要求欲以定其位故書公會鄭
伯會者外為主言鄭志也

鄭伯以璧假許田

左傳

元年春公即位修好于鄭鄭人請復祀周公卒易

祊田

事在隱八年

公許之三月鄭伯以璧假許田為周公

祊故也

魯不宜聽鄭祀周公又不宜易取祊田犯二不宣以勤故隱其實不言祊稱假璧言若進

璧以假田
非久易也

公羊傳

其言以璧假之何易之也易之則其言假之何

爲恭也

使若暫假借之辭

曷為爲恭有天子存則諸侯不得

專地也許田者何魯朝宿之邑也諸侯時朝乎天子

天子之郊諸侯皆有朝宿之邑焉

古者諸侯朝于天子至遠郊不敢便

入必先告至天子以諸侯遠來朝爲告至之須當有所止宿故賜邑于遠郊其實天子地諸侯不得專也

此魯朝宿之邑也則曷爲謂之許田諱取周田也諱

取周田則曷為謂之許田繫之許也曷為繫之許近

許也此邑也其稱田何田多邑少稱田

邑外之田畝多邑內之家數

數少則稱田
邑多田少稱邑

邑內之家數多邑外之田畝少則稱邑

穀梁傳假不言以言以非假也非假而曰假諱易地也禮天子在上諸侯不得以地相與也無田則無許可知矣不言許不與許也

但言以璧假許而不繼田則許屬鄭也今言許田明以許

之田與鄭不與許邑許田者魯朝宿之邑也邴者鄭伯之所受

命而祭泰山之邑也

泰山非鄭竟從天王迎狩受命而祭也

用見魯之

不朝于周而鄭之不祭泰山也

擅相易則知
朝祭並廢

隱公八年鄭來歸祊本欲易許田也魯受祊而未與許田以祊薄於許也及桓公弑立鄭伯乘其位之未定復要許田而加璧以請焉知桓方自危不敢不從也其不曰以璧易而謂之假者為國諱惡且示有歸道也桓乃無父無君之人則棄先祖之地廢朝覲之禮曾不以動其心宜矣

夏四月丁未公及鄭伯盟于越

越杜注近垂地名當在今山東曹州附近

左傳

夏四月丁未公及鄭伯盟于越結祊成也盟曰渝

盟無享國

穀梁傳

及者內爲志焉爾越盟地之名也

鄭伯先爲垂之會以求許田公既以許田委鄭而因欲固鄭好以自安故復爲此盟書公及魯志也衛州吁弑桓公而自立則朝陳而請覲于王曹負芻弑宣公之子而自立諸侯與會于戚而執之曹人請于晉曰若有罪則君列諸會矣亂臣賊子所

懼者天子之征鄰封之討耳天子而許之覲鄰國而與之會則可安於其位矣此衰周之亂政也曾自隱公以來與齊鄭親鄭伯數假王命以興師戰克攻取諸侯畏之故桓公不惜棄先祖之地以求為此盟而又求昏於齊以自固也至鄭伯之惡則不待貶絕而自見矣

秋大水

此書水災之始

左傳秋大水凡平原出水為大水

廣平曰原雨自上而下浸潤于土陂障下

地可使水潦停焉平原高地不應有水而
云出水者水不入于土而出于地上也

傳公年何以書記災也

穀梁高下有水災曰大水

水災陰沴之發也大者非常之詞書大水則害禾
稼毀廬舍不待言矣書時不書月以見泛濫為害
歷時未平也變不虛生蓋可忽乎哉

冬十月

穀梁無事焉何以書不遺時也春秋編年四時具而
傳

後爲年

附錄
左傳

冬鄭伯拜盟

鄭伯若自來則經不書若遣使則當言鄭人不得稱鄭伯疑謬誤

宋華父督見孔父之妻于路

華父大夫氏督名宋戴公孫孔父宋大司

馬父其名穀梁以
父為字謚非也

目逆而送之曰美而艷

二年春王正月

穀梁
傳

桓無王其曰王何也正與夷之卒也

元年書王篡弑之賊踰年即位而臨臣民王法宜急施也二年復書王喪期未畢猶冀王之能討也

過此而不討則終無望矣故三年以後不復書王也先儒以爲正宋督之弑義亦可通但二百四十年他國有篡弑之變未嘗不書王則非春秋之本旨也

戊申宋督弑其君與夷及其大夫孔父

左傳二年春宋督攻孔氏殺孔父而取其妻公怒督懼遂弑殤公君子以督爲有無君之心而後動于惡故

先書弑其君

公羊傳

年

從君而死曰累

弑君多矣

舍此無累者乎

及者何累也

從君而死曰累

弑君多矣

舍此無累者乎

曰有仇牧荀息皆累也

仇牧事在莊十二年

荀息事在僖十年

舍仇牧

舍荀息

舍此無累者乎

荀息無累者乎曰有有則此何以書賢也何賢乎孔

父孔父可謂義形于色矣其義形于色奈何督將弑

殤公孔父生而存則殤公不可得而弑也故于是先

攻孔父之家殤公知孔父死已必死趨而救之皆死

焉孔父正色而立于朝則人莫敢過而致難于其君

者孔父可謂義形于色矣

穀梁傳

孔父先死其曰及何也書尊及卑春秋之義也

孔父之先死何也督欲弑君而恐不立于是乎先殺孔父孔父閑也

閑 捍也

何以知其先殺孔父也曰子既

死父不忍稱其名臣既死君不忍稱其名以是知君

之累之也孔氏文字謚也或曰其不稱名蓋為祖諱也孔子故宋也

孔父既死而後殤公弑先書弑君者督有無君之心而後敢加刃於孔父也書及其大夫襄死節也

孔父不能早正殤公之德預過華督之姦而春秋
褒其節何也孔父生而存則殤公不可得而弑其
正色立朝實足以衛宗社而怵姦邪不可以變出
意外而遂沒其節也觀華督及徒人費石之紛如
賈舉州綽之類皆與君偕死而不書則知書者皆
春秋之所予矣

滕子來朝

滕侯國何以稱子時王所貶也王政之不行於諸

侯久矣何以能加於滕小國猶有聽命者也故杞
於桓以侯見至僖而書子薛於隱以侯見至莊而
書伯與膝子為三皆微國也大國莫見焉杞於僖
以子見至文復書伯亦時王進之也或以為孔子
之褒貶非也諸侯之惡有大於三國者矣何以不
貶以是知其不可通也按卓氏爾康曰灌甫曰樂
正子記膝薛旅朝隱公桓王聞之徵朝皆默焉則
信而有徵矣

三月公會齊侯陳侯鄭伯于稷以成宋亂

稷杜注宋地當在今河南

歸德府境

左傳

會于稷以成宋亂為賂故立華氏也

言立以卿

宋殤

公立十年十一戰民不堪命孔父嘉為司馬

嘉孔父字

督

為太宰故因民之不堪命先宣言曰司馬則然已殺

孔父而弑殤公召莊公于鄭而立之以親鄭

莊公公于馮也

隱三年出居于鄭

以郜大鼎賂公

郜國所造之鼎故名郜大鼎杜注國名濟陰城武

縣東南有郜城蓋郜有二城南郜城則為宋邑隱十年取郜是也北部城則為郜國俱在山東城武縣十

齊陳鄭皆有賂故遂相宋公

公年內大惡諱此其目言之何斥也遠也所見異辭

所聞異辭所傳聞異辭隱亦遠矣曷為為隱諱

謂觀之

事隱賢而桓賊也

桓篡弑與宋督同惡相濟故賊不為諱也

穀梁以者內為志焉爾公為志乎成是亂也此成矣

取不成事之辭而加之焉

取不成事之辭若云宋亂本不可成桓實强成之

于內之惡而君子無遺焉爾

桓弑逆之人故極言其惡無所遺漏

會未有言其所為此特言所為者蓋事關世變篡

弑之禍接迹天下自此會始也向也合五國之君大夫以定州吁而州吁卒討今也合四國之君以立華督而督遂世為國卿亂臣賊子自是泰然無所忌憚矣春秋諱國惡獨此直書公會以桓公身爲大惡諸侯不能討其亂而反與共會成宋亂乃人道之極變也春秋特書所爲者二此會與澶淵之會是也蓋不書以成宋亂則此會疑謀討華督不書宋災故則澶淵之會疑謀討蔡般此所謂大

義數十炳如日星聖人直書以著褒貶者也

夏四月取郜大鼎于宋戊申納于大廟

左傳夏四月取郜大鼎于宋戊申納于大廟非禮也臧

哀伯諫曰

哀伯魯大夫之子

君人者將昭德塞違以臨照

百官猶懼或失之故昭令德以示子孫是以清廟茅

屋

清廟肅然清淨之稱茅屋以茅飾屋

大路越席

大路玉路祀天車也越席結草為席

大

羹不致

大羹肉汁不致五味

粢食不鑿

黍稷曰粢不精鑿

昭其儉也

冕黻珽

袞畫衣冕冠也黻韋鞶以黻膝珽玉笏也

帶裳幅舄

帶革帶裳下衣幅今之行

膝偏束其脰自足至膝與複履

衡紳絃綻

衡維持冠者紳冠之垂者從下而上者綻冠上

覆昭其度也藻率鞬韜

藻率以韋為之所以韜玉佩刀削上飾韜下飾

擊

厲游纓

鼙大帶厲大帶之垂者游旌旗之游纓在馬膺前

昭其數也火龍黼

黻

大畫大也龍畫龍也白與黑謂之黼文如雨已相背

昭其文也

五色比象

車服器械之有五色皆以比象天地四方

昭其物也

示器物不虛設

錫

鸞和鈴

錫在馬頰和在衡鈴在旛

昭其聲也三辰旛旗

日月星為

三辰畫于旛旗

昭其明也夫德儉而有度登降有數

升降謂上下等

卑 文物以紀之聲明以發之以臨照百官百官于是

乎戒懼而不敢易紀律今滅德立違

謂立華督
違命之臣

而寘

其賂器于大廟以明示百官百官象之其又何誅焉

國家之敗由官邪也官之失德寵賂章也郜鼎在廟

章孰甚焉武王克商遷九鼎于洛邑

九鼎殷所受夏
九鼎也武王克

商乃營洛邑而遷九鼎焉洛邑杜注武王但營洛邑
未有都城周公乃卒營洛邑謂之王城即河南城也

今河南洛陽縣城內

西偏即王城故址

義士猶或非之

夷齊之屬

而況將昭

違亂之賂器于大廟其若之何公不聽周內史聞之

曰內史周大夫官臧孫達其有後于魯乎君違不忘諫之以

德

公年傳

此取之宋其謂之郜鼎何器從名

從舊主

地從

主人

從見在得

地之主人器何以從名地何以從主人器之與

人非有即爾

器之始造各有主非今有之而即可為是人之器也故其名必從本主

宋

始以不義取之故謂之郜鼎至乎地之與人則不然

俄而可以為其有矣

土地無常主故俄而可以為其有矣

然則為取可

以為其有乎

承上文言地既可俄而為所有則既為所取遂可以為所有而于義無傷乎

曰否何者若楚王之妻婿無時焉可也

婿妹也引此為喻明其終

不可為
有也

何以書譏何譏爾遂亂受賂也

遂成

納于大

廟非禮也

穀梁傳

桓內弑其君外成人之亂受賂而退以事其祖

非禮也其道以周公為弗受也郜鼎者郜之所為也

曰宋取之宋也

鼎本郜國所作宋後得之

以是為討之鼎也

討宋亂而

更受其賂鼎

孔子曰名從主人

謂作鼎

人物從中國

謂鼎在宋

故

曰郜大鼎也

宋以郜鼎賂公不曰宋人來歸而曰取於宋蔽罪

於魯也曰郜大鼎宋本以不義取鼎於郜而魯又
取之於宋也定弑逆之賊取其賂器寘於太廟以
明示百官其後公子牙慶父仲遂意如之惡豈非
則而象之者與取者得非其有之稱納者內不受
之辭不曰獻而曰納其義以先祖為不受也春秋
書致賂者三宋以郜鼎賂而書魯取蔽罪於魯也
魯以濟西賂而書齊取蔽罪於齊也齊致衛寶而
書齊人來歸明齊首惡且結正諸侯之罪不獨在

魯也

秋七月杞侯來朝

公羊穀梁皆作紀侯

左傳秋七月杞侯來朝不敬杞侯歸乃謀伐之

穀梁傳

朝時此其月何也

前滕侯薛侯來朝止稱時桓內弑其君外

成人之亂於是為齊侯陳侯鄭伯討數日以賂

討計為

三國計功勞數日月多寡以責宋貉

已即是事而朝之也

己紀

惡之故謹

而月之也

左氏誤以紀為杞見下有入杞事遂為不敬之說

杞爵非侯文誤也及紀侯大去之後杞無以侯見者矣故知凡杞稱侯者皆當為紀

蔡侯鄭伯會于鄧

鄧按公羊蓋鄧國今湖廣襄陽府東北鄧城是與杜注異

左傳蔡侯鄭伯會于鄧

鄧杜注穎川召陵縣南有鄧城蓋蔡地也西

也

楚杜注楚國南郡江陵縣北紀南城也今江陵縣屬湖廣荊州府紀南城在府北

始懼楚

公羊傳離不言會

二國會曰離

此其言會何蓋鄧與會爾

此外諸侯相會之始而楚為中國患已兆其端關於天下之故非小故春秋特書之荆楚負險恃彊

有道後服見於商頌周雅及周之衰僭號稱王威
行江漢至是遂有憑陵上國之心三國地與之近
是以懼而為會其後鄧首見滅蔡侯為俘終春秋
之世鄭被蹊轍不能自彊於政治而欲恃外交以
抗彊大果何益乎此孟子所以言以小事大惟在
於彊為善也

九月入杞

左傳 九月入杞討不敬也

穀梁傳 我入之也

將卑師少外則稱人內則但云入某伐某故知入
杞者魯也或疑蔡鄧入杞然考之於經如滅逼陽
滅賴蒙前事而書者皆稱遂此不稱遂則為魯入
無疑矣

公及戎盟于唐

左傳 公及戎盟于唐修舊好也

惠隱好

隱公因戎請至再而後與之盟今戎未嘗請而桓

及之盟蓋身負大惡欲結好以自固與及鄭盟越之意同也

冬公至自唐

此書至
之始

左傳冬公至自唐告于廟也凡公行告于宗廟反行飲

至舍爵筭勲焉禮也

爵飲酒器既飲置爵則書
勲勞于筭速紀有功也

特相

會往來稱地讓事也

特相會公與一國會也會必有
二人獨會則莫肯為主彼此

相讓會事不成故但書地自參以上則往稱地來稱會成事也

成會

事

穀梁傳桓無會而其致何也遠之也

桓會甚衆而曰無會者無致會也此

以遠故危而致之

凡君行告於宗廟反必告至禮之常也其不書至者未行飲至之禮也凡書至皆稱自會以盟皆因會而為之還時雖并以盟告而出則未有以盟告者故不云至自盟也其或會盟之後復有侵伐之事如僖二十八年會于溫遂圍許而書公至自圍許襄十年會于祖遂滅逼陽而書公至自會則時

史之異亦因其告廟之文本異而書於冊耳

附錄初晉穆侯之夫人姜氏以條之役生大子

條杜晉

地今山西安邑縣有中條山縣北有鳴條兩穆侯七年戰條太子文侯也
仇怨其弟以千畝之戰生

第桓叔也千畝杜注西河介休縣南有地名千畝今山西

介休縣有千畝原穆侯十年戰千畝命之曰成師

意取能成其衆師服曰

晉大夫

異哉君之名子也夫名以制義

名之必可言也

義以出禮

從禮

義出禮以體政政以政以正民是以政成而民聽易則

生亂嘉耦曰妃怨耦曰仇古之命也

自古有此言

今君命

太子曰仇弟曰成師始兆亂矣兄其替乎

太子桓叔竝因戰為

名而所附意異故師服知桓叔之黨必盛于晉以傾宗國

惠之二十四年

魯惠公也

晉

始亂故封桓叔于曲沃

文侯卒子昭侯立危不自安故封桓叔為曲沃伯

靖

侯之孫欒賓傳之

靖侯桓叔之高祖以貴寵公孫為傳相後遂為欒氏蓋其父字欒

師服曰吾聞國家之立也本大而末小是以能固故

天子建國

立諸侯也

諸侯立家

立卿大夫之家

卿置側室

側室衆子也得

大夫有貳宗

大夫身是適子為小宗亦立次者為貳宗以相輔貳

士有隸

立此官

子弟

士卑自以子弟為僕隸

庶人工商各有分親

庶人無尊卑但以親疏為

別分皆有等衰

衰殺也自天子至于庶人各有等第降殺

是以民服事其上

而下無覬覦

下不冀望上位

今晉甸侯也而建國本既弱矣

其能久乎惠之三十年晉潘父弑昭侯而納桓叔不

克

潘父晉大夫時桓叔入晉敗歸

晉人立孝侯

莊伯昭侯子

惠之四十五年

曲沃莊伯伐翼弑孝侯

莊伯桓叔子

翼人立其弟鄂侯鄂

侯生哀侯

鄂侯以隱五年奔隨其年王立哀侯于翼

哀侯侵陘庭之田

陘庭

杜注翼南鄙邑今山西翼城縣東南有陘庭城志云即陘庭也

陘庭南鄙啟曲沃伐

翼

三年春正月

自三年以後月不繫王以著桓之無王與天王之失政也諸侯喪畢以士服見天子天子錫之爵命然後歸治其國桓弑其君又成人之亂當類見之期又不入見而請命焉是無王也桓王不能施九伐之法又明年而宰糾且下聘焉王綱盡墜天下自是不復知有王矣或以為周不頒歷昭公末年王室有子朝之亂豈暇頒歷而經皆書王非不頒

歷明矣又以為此闕文安得一公之內凡十四年
皆不書王為此說者皆不明於春秋討賊之義者
也

附錄
左傳

三年春曲沃武公伐翼

武公莊公子

次于陘庭

凡師再宿

為信過
信為次

韓萬御戎

韓萬莊伯弟

梁弘為右

右戎車之右

逐翼侯

于汾隰

汾釋例

汾水出太原故汾陽縣至河東汾陰

北入河靜樂漢汾陽榮河

汾陰也汾隰汾水邊

驂絆而止

驂駢馬

夜獲之

國語

云殺及禦共叔

共叔桓叔之哀侯

傳禦賓之子

公會齊侯于嬴

嬴杜注齊邑泰山嬴縣故城在今山東泰安州東南

會于嬴成昏于齊也

左傳公不以媒介自與齊侯會而成昏

魯桓懼方伯之有討而乞昏於齊以爲此會非媒而昏昏不以正也越境而會會不以正也使其私人往逆逆不以正也爲齊侯而親迎迎不以正也故於嬴之會謹而書之

夏齊侯衛侯胥命于蒲

蒲杜注衛地在陳留長垣縣西南今直隸長垣縣治故蒲城是

也

傳左夏齊侯衛侯胥命于蒲不盟也

公羊傳胥命者何相命也

相命以言不歃血為誓

何言乎相命近

正也此其為近正奈何古者不盟結言而退

穀梁傳

胥之為言猶相也相命而信諭謹言而退以是

為近古也是必一人先其以相言之何也不以齊侯

命衛侯也

倡和理均不以齊大衛小而分別之

世至春秋列國多變傾危成俗盟詛多渝二國為會相命以言不復刑牲歃血要質於鬼神故公羊

穀梁皆以為近古而荀卿亦謂春秋善胥命也或謂相命為方伯則經當明著其事以正其不命於王而私相命之罪矣按左氏莊二十一年鄭虢胥命于弭同謀納王不可謂相命以伯況齊衛胥命以後不聞有會盟侵伐之事其戰于郎及盟于惡曹皆以鄭忽之故則非相命以伯明矣

六月公會杞侯于郕

杞公年作紀
郕公年作盛

左傳公會杞侯于郕杞求成也

凡稱杞侯者皆當作紀紀侯懼齊欲親魯為援冀
抗齊鄭觀桓之六年復與公為鄰之會而冬又來
朝則此會之為紀明矣

秋七月壬辰朔日有食之既

公羊傳既者何盡也

穀梁傳

言日言朔食正朔也既者盡也有繼之辭也

而盡

復生謂之既

言日言朔食正朔也既盡也歷家以日月交會月

掩日故日食既則正相掩而日光為之盡也穀
梁傳曰言日言朔食正朔也言朔不言日食既朔
也言日不言朔食晦日也不言日不言朔夜食也
夫夜食而曉見其傷則時刻可稽何為不書朔與
日乎且使日食於亥子之交未出地而明復則雖
朝日何從見其虧傷之處耶蓋日食不占夜猶月
食不占晝是以唐一行算歷上溯往古千有餘年
日食常在晝月食常在夜春秋所書日食或有日

而無朔或有朔而無日或日朔竝失乃舊史有詳畧耳

公子翬如齊逆女

春秋公子翬如齊逆女修先君之好故曰公子
晉禮雖奉時君之命其言必稱先君以為禮辭故公子翬逆女傳稱修先君之好公子遂逆女傳稱尊君命互舉其義

穀梁

傳逆女親者也使大夫非正也

翬至桓公之編始稱公子桓以為謀主德其援立

而加崇寵也翬為桓弑隱即為桓逆女以結好於齊所以定桓而因自固也遂之於宣亦然皆不待貶絕而罪惡見者也

九月齊侯送姜氏于謹

謹杜注魯地濟北蛇丘縣西有下謹亭水經注云俗記為夏暉

城今山東肥城縣西南有故城

左傳齊侯送姜氏非禮也凡公女嫁于敵國姊妹則上卿送之以禮于先君公子則下卿送之于大國雖公子亦上卿送之于天子則諸卿皆行公不自送于小

國則上大夫送之

公羊傳何以書譏何譏爾諸侯越竟送女非禮也此入

國矣何以不稱夫人自我言齊父母之于子雖為鄰國夫人猶曰吾姜氏

穀梁傳

梁

禮送女父不下堂母不出祭門諸母兄弟不出

閼門

祭門

廟門

也

閼兩

觀

也在

祭門外

兩

父

戒

之

曰

謹慎

從

爾

姑

之

言

般

囊

也

所以盛

朝夕

用

送

女

踰

竟

非

禮

爾父母之言

般

囊

也

所須

以備

舅姑

之用

送女

踰竟

非禮

也

謹曾地也父母兄弟無越竟送女之禮譏齊侯也入國矣何以不稱夫人未廟見猶未入國也故從齊侯而為之辭

公會齊侯于謹

穀梁傳無譏乎曰為禮也齊侯來也公之逆而會之可也

齊侯送女入魯竟公以會禮接之兩失之矣春秋謹而書之所以正人倫之始也

夫人姜氏至自齊

公年輩何以不致得見乎公矣

穀梁傳

其不言翬之以來何也公親受之于齊侯也子貢曰冕而親迎不已重乎

冕祭服

孔子曰合二姓之好

以繼萬世之後何謂已重乎

前書翬逆此不書翬以夫人姜氏至以桓既會齊侯而受之於謹也家人之初曰閑有家悔亡桓失其閑敬苟之刺兆矣

冬齊侯使其弟年來聘

左傳冬齊仲年來聘致夫人也

女出嫁隨使大夫聘問自魯出則曰致女自他國來則總曰聘蓋以聘禮致故傳曰致女而經曰聘也隱七年嘗來聘隱弑而結昏於桓又使年來聘深愛其女而以歸於篡弑之人所謂失其本心者與

有年

公羊傳

謂宣

十六

年

謂

民猶賴

也

此有年也

有

年

也

大豐年也

僅有年

亦足

以當

喜乎

恃有年也

恃

賴

也

書也

此其曰

有年

何僅有年也

彼其曰

大有年

何

謂宣

十六

年

也

書也

此其曰

有年

何以書

以喜

書亦

以喜

書也

大有年

何以書

亦以喜

書也

此其曰

有年

何以書

亦以喜

書也

傳

梁

穀

五穀皆熟為有年也

穀

梁

傳

穀

梁

穀

穀

穀

穀

穀

穀

穀

穀

穀

穀

穀

穀

穀

穀

穀

穀

穀

穀

穀

穀

穀

春秋二百四十二年之中豈無豐年而不見於經
惟於桓書有年於宣書大有年蓋桓宣享國皆十
有八年而書有年者各一歲則他年多歉而民不

聊生具見矣春秋獨于二公書有年以著其逆天而殃及于民也

附錄左傳芮伯萬之母芮姜惡芮伯之多寵人也故逐之

出居于魏

為明年秦侵芮張本芮杜注芮國在馮翊臨晉縣今陝西朝邑縣有芮故城在黃河

西岸魏杜注魏國河東河北縣括地志魏故國在芮城縣北今山西芮城縣河北故城是也孔疏世本芮

魏皆

姬姓

日講春秋解義卷五

覆校官檢討臣季學錦
校對官庶吉臣許兆椿

謄錄監生臣魏溶

謄錄監生臣李惠滋



欽定四庫全書

會要 日講春秋解義卷六

經部

詳校官原任侍講臣王燕緝

欽定四庫全書

日講春秋解義卷六

經部

日講春秋解義卷六

桓公

四年春正月公狩于郎

此書蒐
狩之始

四年春正月公狩于郎書時禮也

傳公羊狩者何田狩也

田者蒐狩之總名

春曰苗秋曰蒐

蒐簡擇也

舍小冬曰狩常事不書此何以書譏何譏爾遠也

以其

地取大冬曰狩常事不書此何以書譏何譏爾遠也

上殺乾之以為

豆實可以祭祀

二曰

遠諸侯曷為必田狩一曰乾豆

上殺乾之以為

豆實可以祭祀

二曰

賓客次殺以供賓客

下殺備君庖厨之用

三曰充君之庖

穀梁傳四時之田皆為宗廟之事也春曰田

取獸于田

夏曰

苗秋曰蒐冬曰狩四時之田用三焉惟其所先得一
為乾豆二為賓客三為充君之庖

戎祀國之大事蒐苗獮狩皆所以講祀事也然先

王四時之田皆於農隙以講事有常時矣諸侯田

狩不過郊皆擇山林翳密之地有常所矣有常時
有常所則民不以為累物不以為害周之正月夏

之仲冬於時為宜狩但魯狩大野乃常所也今不
於大野而遠至郎地則非常所矣故書以示譏

夏天王使宰渠伯糾來聘

左傳公羊 夏周宰渠伯糾來聘父在故名

傳 宰渠伯糾者何天子之大夫也其稱宰渠伯糾
何下大夫也

宰冢宰也渠氏伯爵糾其名也桓弟弑兄臣弑君
不類見不請命天王不能討而反使冢宰下聘天

理滅人道亡矣王朝公卿書爵大夫書字上士中
士書名下士書人糾位六卿之長降而書名罪失
職也操刑賞之柄以馭下者王也論刑賞之法以
詔王者宰也乃為亂首承命以聘弑君之賊乎於
來聘名宰而天王從其常稱示王當奉天命彰天
討也於錫命王不稱天而榮叔無譏焉其義蓋互
相備糾書官又書爵任愈重則責愈大而恥愈深
也

附錄
左傳

秋秦師侵芮敗焉小之也

秦國今陝西清
水縣有故秦城

冬

王師秦師圍魏執芮伯以歸

五年春正月甲戌己丑陳侯鮑卒

左傳

五年春正月甲戌己丑陳侯鮑卒再赴也于是陳

亂文公子佗殺太子免而代之

佗桓公弟五父也稱文公子明非桓公母

弟也免桓公大子

公疾病而亂作國人分散故再赴

公羊傳

曷為以二日卒之哉也

哉者狂也齊人語

甲戌之日亡

己丑之日死而得君子疑焉故以二日卒之也

二日卒之

者
疑
闕

穀
梁

鮑卒何為以二日卒之春秋之義信以傳信疑

以傳疑

明實錄也

陳侯以甲戌之日出已丑之日得不知

死之日故舉二日以包也

言陳侯避病以甲戌日出已丑之日得之不知其死

之日故舉二

日以包之

陳侯鮑曷為以二日卒按左氏公疾病而亂作則
甲戌之下當有陳佗作亂之事而史闕之耳疑以
傳疑聖人之慎也

夏齊侯鄭伯如紀

左傳

夏齊侯鄭伯朝于紀欲以襲之紀人知之

公羊傳

外相如不書此何以書離不言會也

時紀不與會故畧言

也

外相朝曰如春秋之世小役大弱役強雖敵體之國不相朝也今以齊鄭之强大相率而朝小弱之紀蓋實襲之幸紀人覺其詐而不得逞耳此外相如爾何以書紀人主魯故來告而魯史書之孔子

存而不削以著齊人滅紀之罪明紀侯去國之由
劉敞所謂聖人誅意之效是也紀近於齊許近於
鄭齊欲得紀與鄭謀之而卒得紀鄭欲得許與齊
謀之而卒得許王綱解紐强大橫行相要以利相
傾以勢相尚以詐相助以惡而弱小無所逃其禍
此春秋於紀侯之去弦子之奔所以無多責也

天王使仍叔之子來聘

仍穀梁作任

左傳仍叔之子弱也

譏使童子出聘

公羊
傳
仍叔之子者何天子之大夫也其稱仍叔之子

何譏何譏爾譏父老子代從政也

穀梁傳任叔之子者錄父以使子也錄父使子者謂不
氏名其人稱父言子故微其君臣而著其父子不正父在子代仕之辭

也

古者官有世祿但使之食租衣稅而不畀以政事
先王所以優恤功臣而防其敝者至矣周衰官人
以世而大臣固位賴寵惟恐失之欲及其尚存而

見子孫之進用故未有職司者或承王命而有事
於諸侯春秋書武氏子仍叔之子云者戒後世人
主徇大臣私意用其子弟而任之不以其賢使之
不以其能也

葬陳桓公

不書月史失之也蓋陳佗篡立而葬之

城祝丘

祝丘杜注魯地漢即丘縣孟康曰春秋時之祝丘也今山東沂州東南有即丘城

祝丘齊魯兩境上邑也齊將襲紀公欲助紀而畏

齊故城此以備之書譏不時也

秋蔡人衛人陳人從王伐鄭

左傳王奪鄭伯政鄭伯不朝秋王以諸侯伐鄭鄭伯禦

之王為中軍虢公林父將右軍

虢公林父
王卿士

蔡人衛人

屬焉周公黑肩將左軍

黑肩周
桓公也

陳人屬焉鄭子元請

為左拒

子元鄭公子
拒方陳也

以當蔡人衛人為右拒以當陳

人曰陳亂民莫有鬪心若先犯之必奔王卒顧之必

亂蔡衛不枝固將先奔既而萃于王卒可以集事

萃聚

也集成也

從之曼伯為右拒

曼伯檀伯

祭仲足為左拒原繁高渠彌以中軍奉公

二人鄭臣

為魚麗之陳先偏後伍伍承

彌縫

司馬法車戰二十五乘為偏以車居前以伍次之承偏之隙而彌縫閼漏也五人為伍此蓋魚

麗陳

戰于繻葛

繻葛杜注鄭地或云即長葛也

命二拒曰旛動而鼓

旛旟也通帛為之蓋今大

將之麾也執以為號令

蔡衛陳皆奔王卒亂鄭師

合以攻之王卒大敗祝聃

射王中肩王亦能軍

祝聃鄭臣

王雖傷猶殿而不奔故言能軍

祝聃請從之公曰君子不欲多上人

況敢陵天子乎苟自救也

社稷無隕多矣夜鄭伯使

祭足勞王且問左右

公羊傳 其言從王伐鄭何從王正也

穀梁傳 舉從者之辭也

謂若王不親伐直舉三國從王命之辭也

其舉從者

之辭何也為天王諱伐鄭也

諱伐鄭自鄭同姓之國也在

乎冀州于是不服為天子病矣

冀州者天下之中州自唐虞及夏殷皆都

焉則冀州是天子之常居後王雖不都冀州亦得以

冀州言之鄭近王畿故云在乎冀州言親近猶不能

服則疏遠

者可知

王不稱天非天討也不書敗示諸侯不可敵王也

鄭伯不朝固為有罪然其罰至貶爵削地而止耳
魯桓弑君而自立宋督弑君而得政天討不加乃
親帥與鄭私憾之三國以伐之而陳佗篡弑之賊
亦許以從師用此為鄭所窺乘其瑕釁以敗王師
而自是王命遂不行於天下春秋明治亂得失之
原故王不稱天以正其本三國書從以著人臣之
義伐不書敗以存共主之體而鄭抗王師之罪亦
不可掩輕重之權衡君臣之名分莫不畢見凡此

皆裁自聖心非國史所能與也

大雩

此書雩之始

左傳

秋大雩書不時也凡祀啓蟄而郊

啓蟄夏正建寅之月祀天南郊

龍見而雩

龍見建巳之月蒼龍之宿昏見東方萬物始盛待雨而大故祭天為百穀祈膏雨

始殺而嘗

建酉之月陰氣始殺嘉穀始熟故薦嘗於宗廟

閑藏萬物皆成可薦

過則書

祭必當卜卜有吉否不吉則改卜次旬卜不過

者衆故烝祭宗廟

三故限以一月過涉次月

之節則書之以譏其慢

公羊

大雩者何旱祭也

雩旱請雨祭名

然則何以不言旱言

傳

雩則旱見言旱則雩不見何以書記災也

大雩雩于上帝用盛樂也諸侯雩于境內之山川而配以上公禮也大雩則僭天子之禮矣然魯僭郊禘大雩舊矣欲悉書於策則不勝書故雩祭則因旱以書而特謂之大郊禘亦各因事而書以見其非義蓋分所不屬則氣不能相感此先王制禮之精義按以春秋所書而可見者也

螽
作蠛

公羊何以書記災也

傳穀梁蠭蟲災也甚則月不甚則時

螽之為物常因旱而生以害稼故書

冬州公如曹

州國名姜姓曹杜注曹國濟陰定陶縣今山東定陶縣西北有故城即曹國也

左傳冬淳于公如曹度其國危遂不復

淳于杜注州國所都城陽淳于

縣也今山東安邱縣

東北有淳于故城

公羊

外相如不書此何以書過我也

傳穀梁

外相如不書此其書何也過我也

天子三公稱公王者之後稱公州稱公與祭公同
蓋天子三公而食邑於州者外相如不書此何以
書自曾而來魯將有其末故先錄其本也

六年春正月實來

左傳六年春自曾來朝書曰實來不復其國也

公羊傳

實來者何猶曰是人來也孰謂謂州公也曷為

謂之實來慢之也曷為慢之化我也行過國竟而無化禮于人謂之

穀梁傳

實來者是來也何謂是來謂州公也其謂之是

來何也以其畫我過我故簡言之也諸侯不以過相朝也

實或曰州公名或曰州公如曹而實來魯從省文也言奔則來行朝禮言朝則遂留不去故曰實來若覆書州公來則與祭伯來同而無以見不復其國之義矣

附錄
左傳

楚武王侵隨

隨國名姬姓侯爵杜注義陽隨縣西魏置隨州今屬湖廣德安府古

古

城在
州南

使薳章求成焉

薳章楚大夫

軍于瑕以待之

瑕隨地隨

人使少師董成

董正

鬪伯比言于楚子曰

伯比

楚大子

文父吾不得志于漢東也

漢釋例

漢水出武都至江夏入江武都今陝西寧羌州江

夏今湖廣江夏縣

我則使然我張吾三軍而彼吾甲兵以武

臨之彼則懼而協以謀我故難間也漢東之國隨為

大隨張

張自侈大也

必棄小國小國離楚之利也少師侈

請羸師以張之

羸弱也

熊率且比曰季梁在何益

熊率且比

楚大夫季梁隨賢臣

鬪伯比曰以為後圖少師得其君

言季梁之諫不

過一見從卒當以少師為計故云以為後圖

王毀軍而納少師少師歸請

追楚師隨侯將許之季梁止之曰天方授楚楚之羸
其誘我也君何急焉臣聞小之能敵大也小道大淫
所謂道忠于民而信于神也上思利民忠也祝史正
辭信也今民餒而君逞欲祝史矯舉以祭臣不知其
可也公曰吾牲牷肥腯牡牛羊豕也牷純色
完全也腯亦肥也粢盛豐備泰稷曰粢在器曰盛何則不信對曰夫民神之主也于民是神依

以聖王先成民而後致力于神故奉牲以告曰博碩
肥腯謂民力之普存也博廣也碩大也謂其畜之碩大蕃滋

也謂其不疾瘡蠭也謂其備腯咸有也

雖告神以博碩肥腯其實

皆當兼此四謂民力適完則六畜既大而滋也皮毛無疥癬兼備而無有所闕

奉盛以告曰

絜粢豐盛謂其三時不害而民和年豐也奉酒醴以

告曰嘉栗肯酒

嘉善也栗敬也

謂其上下皆有嘉德而無違

心也所謂馨香無讒慝也故務其三時修其五教父

母慈兄友親其九族以致其禋祀

禋絜敬也九族謂外祖父外祖母從

母子及妻父妻母姑之子姊妹之子女子之子非己之同族皆外親有服而異族者也

于是乎

民和而神降之福故動則有成今民各有心而鬼神

乏主君雖獨豐其何福之有君姑修政而親兄弟之國庶免于難隨侯懼而修政楚不敢伐

夏四月公會紀侯于郿

郿左傳公羊傳作成杜注魯地泰山鉅平縣東南今山東寧陽

縣東北有故城
社即古成城也

左傳夏會于成紀來諮詢齊難也

齊欲滅紀故來謀

五年齊鄭如紀欲以襲之而弗遂至是且將大加兵其國紀睦於魯越境而謀公往會之蓋有不得已者是以春秋無譏焉

附錄
左傳

北戎伐齊齊侯使乞師于鄭鄭大子忽帥師救

齊六月大敗戎師獲其二帥大良少良

二帥名

甲首三

百甲首被甲者首以獻於齊于是諸侯之大夫成齊齊人饋

之餼生曰餼使魯為之班後鄭十年也鄭忽以其有功也

怒故有郎之師

郎師在十

公之未昏于齊也齊侯欲以

文姜妻鄭大子忽大子忽辭人問其故大子曰人各有
配偶齊大非吾耦也詩云自求多福在我而已大國
何為君子曰善自為謀及其敗戎師也齊侯又請妻

之欲以他女妻之固辭人問其故大子曰無事于齊吾猶不

敢今以君命奔齊之急而受室以歸是以師昏也民

其謂我何遂辭諸鄭伯

假父之命以為辭為十一年鄭忽出奔衛傳

秋八月壬午大閱

此書大閱之始

左傳秋大閱簡車馬也

公羊傳

大閱者何簡車徒也何以書蓋以罕書也

罕希也大

閏之禮三年一舉桓公忽忘武備過于三年是以書之

穀梁傳

大閱者何閱兵車也修教明諭

修先王之教以明達于民

國

道也治國之道

平而修戎事非正也

平謂不因田獵無事而修之

其日

以為崇武故謹而日之蓋以觀婦人也

大閱者簡閱車徒而訓習之也周禮以仲冬之月大閱其法視三時為獨詳者農隙故也周之八月乃夏正建未之月以盛夏而大閱則非其時矣昭定之間或書蒐或書大蒐凡稱大者皆僭用天子之禮也先王寓軍政於四時之田訓民禦暴其備豫也今以懼鄭忽畏齊人非時越禮而簡兵車不

獨厲農失政平時軍政之不修亦可見矣

蔡人殺陳佗

公羊傳

陳佗者何陳君也陳君則曷為謂之陳佗絕也

曷為絕之賤也其賤奈何外淫也惡乎淫淫乎蔡

人殺之

穀梁傳

陳佗者陳君也其曰陳佗何也匹夫行故匹夫

稱之也其匹夫行奈何陳侯憲獵淫獵于蔡與蔡人
爭禽蔡人不知其是陳君也而殺之何以知其是陳

君也兩下相殺不道

兩大夫相殺不書

其不地于蔡也

蔡人殺陳佗者討賊之辭也亂臣賊子或本國之

臣子或鄰國之君臣苟有一人能起而誅之則春

秋以討賊之義予之矣凡篡弑而稱君者著其國

之臣子不以為賊而奉之也書陳佗則知陳之臣

子本不以佗為君矣用此見春秋之初先王之澤

未泯人心正理猶存故州吁陳佗無知皆不容於

天壤焉又以知五年陳侯鮑卒甲戌以下所閼卽

佗弑大子免事也

九月丁夾子同生

左傳 九月丁夾子同生以大子生之禮舉之接以大牢

大牢牛羊豕也以禮接夫人重嫡也

卜士負之士妻食之

禮世子生三日卜士負之

射人以桑弧蓬矢射天地四方卜士之妻為乳母

公與文姜宗婦命之

世子生三

月君夫人沐浴於外寢立於阼階西鄉世婦抱子升自西階君命之乃降宗婦同宗之婦命之命名也

公問名于申繻

魯大夫

對曰名有五有信有義有象有

假有類以名生為信

若唐叔虞

以德命為義

若文王

名昌武

王名以類命為象

若孔子首
象尼丘

取于物為假

若伯魚生
人有饋之

魚因名取于父為類

若子同生有
與父同者

不以國不以官不

以山川不以隱疾不以畜牲不以器幣周人以諱事

神名終將諱之

諱始于周周人以諱法敬事明神子
生三月為之立名以其終將諱之故

湏豫有
所避

故以國則廢名

國不可易
故廢名

以官則廢職以山

川則廢主

改其山
川之名

以畜牲則廢祀以器幣則廢禮晉

以僖侯廢司徒

僖侯名司徒
廢為中軍

宋以武公廢司空

武公
名司

空廢為
司城

先君獻武廢二山

二山具教也魯獻公名具
武公名教更以其鄉名山

是以大物不可以命公曰是其生也與吾同物也

物類謂

同日

命之曰同

生

公羊

子同生者孰謂謂莊公也何言乎乎同生喜有

正也

喜國有正嗣

未有言喜有正者此其言喜有正何久

無正也子公羊子曰其諸以病桓與

穀梁傳疑故志之

文姜淫于齊襄疑非公之子

時曰同乎人也

時人僉曰

齊侯之子同于他人

先儒皆謂嫡長始生即書於策此舊史之法非春

秋書子同生之義也文公成公皆嫡嗣何以莊之
生獨書文姜禽獸行故書之以正周公之後決後
世之疑而朱子按經以核其事迹謂桓三年姜氏
至自齊六年子同生十八年桓公乃與姜氏同如
齊則莊公誠非齊侯之子以正二傳之妄也不曰
世子何也天下無生而貴者故誓於天子然後爲

世子

冬紀侯來朝

左傳冬紀侯來朝請王命以求成于齊公告不能紀微弱不

能自通于天子欲因公以請王命公無寵于王故告不能

魯桓弑君篡立天下之大惡也紀侯有齊難不能上告於天子自彊於政治和輯其民效死以守而求援於篡弑之人其能國乎

七年春二月己亥焚咸丘

咸丘杜注魯地高平鉅野縣南有咸亭今屬山東兗州府

傳羊

焚之者何樵之也

樵薪也以樵燒之故曰樵之齊人語

樵之者何以火攻也何言乎以火攻疾始以火攻也咸丘者何

邾婁之邑也曷為不繫乎邾婁國之也曷為國之君存焉爾

穀梁傳

其不言邾咸丘何也疾其以火攻也

古者昆蟲蟄而後火田去莽翳以逐禽獸但焚一叢一聚非竭山澤而焚之也易稱王用三驅在禮天子不合圍諸侯不掩羣所以養仁心而盡物之性也周之二月夏之十二月昆蟲未出固可以用火但已過冬狩之期而未及春蒐且咸丘非狩地

故不言蒐狩直書曰焚以譏其盡物也

夏穀伯綏來朝鄧侯吾離來朝

穀杜注穀國在南鄉筑陽縣北今湖廣穀城縣

治為故筑陽城

古穀城在縣北

七年春穀伯鄧侯來朝名賤之也

二國以春來夏乃行朝禮故經

書夏

公羊傳皆何以名失地之君也其稱侯朝何貴者無後

待之以初也

貴者無後即郊特牲古者寓公不繼世之義諸侯不臣寓公寓公死則臣其子

不得繼父寓公之世故曰無後也待之以初言穀鄧與魯本同貴為諸侯當待之如初也

穀梁傳

其名何也失國也失國則其以朝言之何也嘗

以諸侯與之接矣雖失國弗損吾異日也

待之以初

春秋時諸侯相朝皆小國迫於鄰近之大國不得已而為恭也穀鄧近楚而遠於魯地之相去千有餘里無緣越蔡許陳曹宿邾而來朝於魯以情事揆之必為楚所逼失地而奔近楚之國皆不敢容故遠託於魯而魯桓以篡弑得國欲以遠國來朝為名俾行朝禮以自侈大而震耀其臣民故舊史

承而書之而實則失地之君故春秋據其實而稱名也先儒以為貶其朝桓則身為篡弑者會盟侵伐皆不書名而獨於朝之者舉罰頗其類矣至謂去秋冬二時以二國朝桓逆亂天道歲功不成則穿鑿附會將以扶植世教而轉破碎經指義不可通使孔子果以宰糾聘桓而闕秋冬則次年仍叔之子來聘亦宜復闕果以鄧穀朝魯而闕秋冬則當於滕子來朝四國會稷以成宋亂先見此義聖

人作經不若是之疏也且幸四年七年秋冬適無事可書而闕之如有事將並闕其事耶抑書其事而獨闕二時耶義益無所處矣

附錄
左傳

夏盟向求成于鄭既而背之

盟向二邑名隱十一年王以與鄭故

求與
鄭成

秋鄭人齊人衛人伐盟向王遷盟向之民于鄭

鄭杜注王城今河南
洛陽縣西有鄭郿陌

冬曲沃伯誘晉小子侯殺之

曲沃伯武公也
小子侯哀侯子

八年春正月己卯烝

公羊

烝者何冬祭也春曰祠

祠猶食也猶繼嗣也春物始生孝子思親繼嗣

而食之故曰

祠

祫尚韭卯

夏曰約

始熟可約故曰

秋曰嘗

嘗者先

穀成者非一

黍先熟可

得薦故曰

嘗者先

芳備具故曰

嘗者先

烝薦尚稻鴈

物畢成所薦衆多芬

常事不書此何以書譏何譏爾譏亟也

亟衆也氣盛貌冬萬

物畢成所薦衆多芬

辭也秋

亟數亟則黷

漂黷

黷則不敬君子之祭也敬而不黷

辭也秋

疏則怠怠則忘士不及茲四者則冬不裘夏不葛

四者

四時祭也裘葛冬夏之美服言士有公事不得及

此四時之祭則不敢美其衣服蓋思念親之至也

穀梁烝冬事也春興之志不時也

周人以建子為歲首周之春正月夏之十一月也
烝以中冬不失時矣常事不書此何以書經有先
起事以見義者書此以見夏五月之再烝為黷禮
也穀梁以春舉冬祭為不時則未知周雖改朔而
巡狩烝享猶用夏時則尚書洛誥王在新邑烝祭
歲在十有二月則用亥月烝祭亦未為失禮也

天王使家父來聘

家父天子大夫氏父字

下聘弑逆之人而無貶何也既名家宰於其重者

而舉法焉餘則從同之義也蓋君相一體任之重
斯責之專故歸賡仲子會葬成風則宰咺書名於
前王不稱天於後來聘桓公錫桓公命則宰糾書
名以正其始王不稱天以正其終而榮叔家父之
徒無貶也此即虞書君臣相戒庶事之原皆繫於
元首股肱之義

附錄左傳八年春滅翼曲沃滅之隨少師有寵楚鬪伯比曰
可矣讎有釁不可失也無德者寵國之釁也

夏五月丁丑烝

公羊何以書譏亟也

傳

穀梁

烝冬事也春夏興之贖祀也志不敬也

傳

以季春而舉冬祭非時也建子之月既烝而建辰之月復烝必以前烝為不備也其贖亂不經甚矣

附錄

左傳 夏楚子合諸侯于沈鹿

沈鹿杜注楚地今湖廣鍾祥縣東里有鹿湖池

即其地也黃隨不會

黃羸姓杜注黃國弋陽縣魏置弋陽郡于此今河南光州境弋陽城在州

東黃城 在州西

使薳章讓黃

讓責

楚子伐隨軍于漢淮之間

淮漢志南陽郡平氏縣禹貢桐栢大復山在東
南淮水所出平氏故城在今河南南陽府西北

季梁

請下之下之請

服也

弗許而後戰所以怒我而怠寇也少

師謂隨侯曰必速戰不然將失楚師隨侯禦之望楚

師遙見

季梁曰楚人尚左君必左

君楚

無與王遇且

攻其右右無良焉必敗偏敗衆乃攜矣少師曰不當

王非敵也弗從戰于速杞

速杞杜注隨地當在今湖廣應山縣境

隨師

敗績隨侯逸

逃也

鬪丹獲其戎車

丹楚大夫

與其戎右少師

寵之以車右

秋隨及楚平楚子將不許鬪伯比曰天去其

疾矣

少師見獲而死是去其疾

隨未可克也乃盟而還

秋伐邾

桓自弑立恃其彊惡以陵小國小國皆畏而從之故紀鄖滕杞或朝或會惟邾恃舊好而不顧至是遂伐之以是知儀父蓋知義者也隱有讓國之心則即位三月即來講好桓有篡弑之惡則定位六年尚不與通伐之而仍不至逮十五年然後與年葛同來蓋困於力之不支耳

冬十月雨雪

公羊傳 何以書記異也 何異爾不時也 周之十月夏之八月未當雨雪

故曰
不時

建酉之月未霜而雪書異也 陰陽方中而寒氣先至此積陰侵陽之象春秋凡三書雨雪其二言大以大為異也此不言大以非時為異也

附錄左傳 父
冬王命號仲立晉哀侯之弟緝于晉
號仲王卿士號公林

祭公來遂逆王后于紀

此書遂之始

左傳祭公來遂逆王后于紀禮也

天子娶于諸侯使同姓諸侯為之主祭公

來受命于

魯故曰禮

公羊傳

祭公者何天子之三公也

祭者采也天子三公氏采稱爵

何以不稱使昏禮不稱主人

時王者有母也

遂者何生事也

以上來造也

專事之辭

大夫無遂事此其言遂何成使乎我也

無事知以上來

遂成使我

其成使乎我奈何使我為媒可則因用是往于我

逆矣

昏禮成于五先納采問名納吉納徵請期然後親迎今王使祭公來命魯為媒即因用魯往迎

之不復成禮疾
王不重妃匹也

女在其國稱女此其稱王后何王者

無外其辭成矣

成其為王
后之辭也

穀梁傳

其不言使焉何也不正其以宗廟之大事即謀

于我故弗與使也

時天王命祭公就魯共卜擇紀女可為后者便逆之不復反命遂

繼事之辭也其曰遂逆王后故畧之也

以其遂逆無禮故不書逆

女而曰王后畧謂不以禮稱之

或曰天子無外王命之則成矣

四海之濱

莫非王臣王命紀女為后則已成

王后非如諸侯入國乃稱夫人

大夫出疆有以二事出者有以一事出而專繼事

者其書皆曰遂祭公蓋受王命問期於魯并逆后于紀耳未有無王命而敢專行者獨書曰來正見非有聘問之事於魯即為逆后来耳不稱使昏禮不稱主人也左傳莊十八年虢公晉侯鄭伯使原莊公逆王后于陳不言王使而曰虢晉鄭使蓋古禮如此先儒謂三公師傅之官坐而論道不宜逆女宜使卿往公監之蓋據襄公十五年劉夏逆王后于齊傳稱官師從單靖公逆王后于齊而經獨

書劉夏為義蓋謂劉夏以非卿而書靖公合禮則
不書也然以傳所書原莊公單靖公證之又似三
公逆后周制固然故並存以備稽考

日講春秋解義卷六

欽定四庫全書

春秋解義卷一千七百三十二

經部

日講春秋解義卷七

桓公

九年春紀季姜歸于京師

左傳 九年春紀季姜歸于京師凡諸侯之女行唯王后

書

公羊傳

其辭成矣則其稱紀季姜何自我言紀父母之子雖為天王后猶曰吾季姜京師者何天子之居

也京者何大也師者何衆也天子之居必以衆大之

辭言之

穀梁

為之中者歸之也

中謂閼

與昏事

傳
往逆稱王后既歸何以稱季姜自逆者言之王者無外王命之斯后之矣自歸者言之未見宗廟不敢以尊自處也京師者大衆之稱經書逆王后者二惟季姜書歸于京師魯主之故必書其歸劉夏逆王后不書歸過魯而魯不為之主也

夏四月

秋七月

附錄

左傳

巴子使韓服告于楚請與鄧為好

巴國名姬姓今四川巴縣

韓服巴

行人

楚子使道朔將巴客以聘于鄧

道朔楚大夫巴客韓服

鄧南鄙鄖人攻而奪之幣

鄖今湖廣襄陽縣東北鄖城是也

殺道朔

及巴行人楚子使薳章讓于鄧鄧人弗受夏楚使鬪

廉帥師及巴師圍鄖

鬪廉楚大夫

鄧養甥聃甥帥師救鄖

三逐巴師不克

二甥皆鄧大夫

鬪廉衡陳其師于巴師之中

以戰而北

衡橫也分巴師為二部關康橫陳于其間以與鄧師戰而偽北北走也

鄧人

逐之背巴師而夾攻之

楚師偽走鄧師遂之背巴師巴師攻之楚師自前還與戰

鄧師大敗鄖人宵潰

秋虢仲芮伯梁伯荀侯賈伯

伐曲沃

梁國嬴姓漢志左馮翊夏陽故少梁今少梁城在陝西韓縣南荀國姬姓水經注古水

西南逕荀城在絳州西十五里今絳州屬山西賈國姬姓今山西臨汾縣有賈鄉

冬曹伯使其世子射姑來朝

左傳

冬曹大子來朝賓之以上卿禮也

諸侯之適子未誓于天子而攝

其君則以皮帛繼子男故賓

之以上卿各當其國之上卿享曹大子初獻樂奏而

歎施父曰

施父魯大夫

曹大子其有憂乎非歎所也

公羊傳

諸侯來曰朝此世子也其言朝何春秋有譏父

老子代從政者則未知其在齊與在曹與

在齊世子光也言射

姑來朝與齊光序諸侯之上皆當譏而下文曹伯卒葬全錄或于曹無譏未可知也此傳者依違之詞

穀梁傳

朝不言使言使非正也使世子伉諸侯之禮而

來朝曹伯失正矣諸侯相見曰朝以待人父之道待

人之子以內為失正矣內失正曹伯失正世子可以

已矣則是放命也

放命猶言方命謂逆命也

尸子曰夫已多乎道

已止也止曹伯使朝之命則曹伯不陷非禮之愆世子無苟從之咎魯無失政之譏三者正則合道多矣

周官典命凡諸侯之嫡子誓於天子而攝其君則下其君之禮一等未誓則以皮帛繼子男謂諸侯老疾當朝覲之期身不能親得使子攝急述職也諸侯閒於王事則相朝本無定期曹伯既有疾何急於朝魯而使世子攝哉故曹伯使朝世子當辭而魯亦不當受蓋參譏之

十年春王正月

穀梁傳

桓無王其曰王何也正終生之卒也

桓無王此復書王何也或曰十者盈數也天道十年則必反故易稱守貞者十年而反常傳論惡遠者十年而必棄桓弑君篡國其數已盈故以天道王法正之也或曰魯采服之國也宜四歲而一見并類見之期計之三不朝矣正天王當以六師移之之節也其義皆可通

庚申曹伯終生卒

左傳十年春曹桓公卒終施父之言

夏五月葬曹桓公

附錄左傳 虢仲諧其大夫詹父于王 詹父有辭以王師伐

虢夏虢公出奔虞

虢仲王卿士詹父屬大夫虞國名
姬姓古虞城在今山西平陸縣東

北

秋公會衛侯于桃丘弗遇

桃丘杜注衛地濟北東阿縣
東南有桃城今山東東阿縣

西有桃城鋪旁
有丘即桃丘也

傳公羊會者何期辭也其言弗遇何公不見要也

穀梁

弗遇者志不相得也弗內辭也

託言衛侯不遇則若衛侯不蒙

傳魯公之接者
以殺其恥

衛侯與公為會期中背而與齊鄭故公往會而不相遇蓋齊鄭急於謀紀而紀魯姻也伐鄭之役衛實從王故魯欲以為援而往會之而胥命于蒲齊衛既合故衛始以鄭之怨而約與魯會終以齊之故背魯而與鄭為郎之師也

附錄左傳

秋秦人納芮伯萬于芮

四年圍魏所執者

初虞叔有

玉虞公求旃

旃之

虞公求旃

也弗獻既而悔之曰周諺有

之匹夫無罪懷璧其罪吾焉用此其以賈害也

也將

乃獻之又求其寶劍叔曰是無厭也無厭將及我

殺

我遂伐虞公故虞公出奔共池

共池杜注地名闕今山西平陸縣西有共

池志云虞公出奔地

冬十有二月丙午齊侯衛侯鄭伯來戰于郎

左傳冬齊衛鄭來戰于郎我有辭也初北戎病齊諸侯

救之鄭公子忽有功焉齊人餼諸侯使魯次之魯以

周班後鄭鄭人怒請師于齊齊人以衛師助之故不

稱侵伐

不稱侵伐而以戰為文明魯直諸侯曲故言我有辭以禮自擇交綏而退無敗績

先

書齊衛王爵也

鄭主兵而序齊衛下者以王爵次之也

公羊傳

郎者何吾近邑也吾近邑則其言來戰于郎何

近也惡乎近近乎圍也

兵近都城幾與圍無異

此偏戰也

偏一面也

結日定地各居一面鳴鼓而戰不相詐

何以不言師敗績內不言戰言

戰乃敗矣

穀梁傳

來戰者前定之戰也內不言戰言戰則敗也不

言其人以吾敗也不言及者為內諱也

內不言戰言戰則敗也春秋所書加兵於魯者衆矣未有稱來戰者此著罪之在三國也魯桓弑逆人人得而誅之鄭伯則首盟于越以定其位齊侯則繼會于稷以濟其姦且重之以婚姻今乃以私忿小怨親帥其師而來戰尚為知類也哉鄭人主兵而首齊以非得齊不能舉是師也春秋時列國之邦交惟利所在向背無常齊僖嫁女於魯乃聽

鄭而與魯戰蓋齊與鄭謀紀而魯欲庇之故盡力
於鄭以固其交而姻親有不暇顧也

十有一年春正月齊人衛人鄭人盟于惡曹

惡曹杜注地闕

左傳十一年春齊衛鄭宋盟于惡曹

宋不書經闕

惡曹之盟即前此三國之君來戰于郎者也其稱
人何自有參盟其惡莫甚於惡曹前此鄭敗王師
後此齊滅后之母家衛抗王人子突而自立皆與
魯桓同惡故變文以發後人之疑而著其罪也按

翟泉之盟七國皆書人蜀之盟十有一國皆書人
澶淵之會十有二國皆書人未必皆微者苟皆微
者不宜著於經以此證之則此盟乃三國之君審
矣

附錄
左傳

楚屈瑕將盟貳軫

貳軫皆國名貳在今湖廣應山縣境軫在今湖廣應城縣

西
鄖人軍于蒲騷

鄖國名杜注江夏雲杜縣東南有
鄖城在今湖廣安陸縣蒲騷鄖邑

在今應
城縣北
將與隨絞州蓼伐楚師

絞州蓼皆國名絞在今湖廣鄖陽府西北

州今湖廣監利縣東有州
陵城蓼在今河南唐縣南

莫敖患之

莫敖楚官名即屈瑕

鬪廉

曰鄭人軍其郊必不誠且日虞四邑之至也

虞度也
四邑隨

絞州蓼邑亦國也

君次于郊郢以禦四邑

君謂屈瑕郊郢杜注楚地今湖廣安

陸府治郢州故城是其地也

我以銳師宵加于鄭鄭有虞心而恃

其城莫有鬪志若敗鄭師四邑必離莫敖曰盍請濟

師于王

濟益也

對曰師克在和不在衆商周之不敵君

之所聞也成軍以出又何濟焉莫敖曰卜之對曰卜

以決疑不疑何卜遂敗鄭師于蒲騷卒盟而還

辛盟貳軫

夏五月癸未鄭伯寤生卒

左傳 鄭昭公之敗北戎也齊人將妻之昭公辭祭仲曰

必取之君多內寵子無大援將不立三公子皆君也

謂子突子亹子儀其母皆有寵

弗從

夏鄭莊公卒初祭封人仲足

有寵于莊公

祭杜注鄭地陳留長垣縣東北有祭城今屬直隸大名府封人守封疆者因以

所守為氏莊公使為卿為公娶鄧曼

曼鄧姓

生昭公故祭仲

立之

春秋之初罪莫甚於鄭莊宋魯齊衛次之而其後
禍亂相仍亦未有甚於五國者考其終始可為亂

常不義者戒矣

秋七月葬鄭莊公

卒踰兩月而葬慮有爭也蓋嗣子為喪主諸侯會葬其位定則不敢爭故凡速葬者必有故也

九月宋人執鄭祭仲

此書執之始

左傳宋雍氏女子鄭莊公曰雍姞生厲公

雍氏姞姓宋大夫以女妻

人曰女雍氏宗有寵于宋莊公故誘祭仲而執之曰不

立突將死亦執厲公而求賂焉祭仲與宋人盟以厲

公歸而立之

公羊傳

祭仲者何鄭相也何以不名賢也何賢乎祭仲

以為知權也其為知權奈何古者鄭國處于留先鄭

伯有善于鄭公者通乎夫人以取其國而遷鄭焉

都于

而野留也

野鄙

莊公死已葬祭仲將往省于留塗

鄭遷

出于宋宋人執之謂之曰為我出忽而立突祭仲不

從其言則君必死國必亡從其言則君可以生易死

國可以存易亡少遼緩之則突可故出而忽可故反

是不可得則病

出突反忽之計不可得行則已實恥之病恥也

然後有鄭國

計雖不行然仍湏力討之令忽有國即費功力猶愈于國之亡也

古人之有權者祭

仲之權是也權者何權者反于經然後有善者也權之所設舍死亡無所設

設施也舍置也如置死亡之事不得施

行權有道自貶損以行權不害人以行權殺人以自生亡人以自存君子不為也

穀梁傳

宋人者宋公也其曰人何也貶之也

祭仲何以不名命大夫也諸侯之大夫三命受位

列為王臣則同於王朝之大夫而書字祭仲之惡不待貶而見著其爵列所以甚其罪也或疑名其君於下不宜字其臣於上不知君前臣名乃生人應對之禮非所施於國史之紀事各從其宜者也公羊傳以祭仲為知權害義傷教自范甯發之皆知其悖矣

突歸于鄭

公羊傳 突何以名挈乎祭仲也

挈猶提挈也

其言歸何順祭

仲也

穀梁傳

善之

曰突賤之也曰歸易辭也

突篡兄之位制命權

也

祭仲易其事權在祭仲也

易言廢立在己

死君難臣道

也今立惡而黜正惡祭仲也

小白陽生繫之齊明其當有齊也突不繫鄭明其
不當立也不稱公子春秋之初凡爭國者皆不稱
公子也書歸有二義一順詞也一易詞也後書鄭
世子忽則突之不順其迹顯著蓋易詞也內則權

臣許之立外則大國為之援而世子忽之才不能
自固故其歸為易耳

鄭忽出奔衛

此書奔始

左傳秋九月丁亥昭公奔衛己亥厲公立

公羊傳忽何以名春秋伯子男一也辭無所貶

既葬稱子合伯

子男為一辭無所貶皆從子忽不稱子者貶而名之也

穀梁傳鄭忽者世子忽也其名失國也

忽繫鄭明其正也不稱子責不能守其位未終喪

而出奔失子之道矣其義與國君失位以自奔為文而不書其逐之者同所以警居位者當自彊於為善也

柔會宋公陳侯蔡叔盟于折

此大夫會盟諸侯之始折杜注地

傳羊
柔者何吾大夫之未命者也

公會宋公于夫鍾

鍾公羊作童夫鍾杜注鄭地今山東寧陽縣盛鄉城北有夫鍾里

冬十有二月公會宋公于闕

闕杜注魯地今山東汶上縣西有闕亭在南旺湖中

臣與宋公盟于折君與宋公會于夫鍾于闕明年

又會于虛于龜蓋公與突皆篡立聲勢相倚而又
有憾於忽宋自納突之後以責賂生隙故公不憚
屈己力為突請以固宋交而定其位也然屢盟而
卒畔數會而卒離觀此益見盟會之不足恃矣

十有二年春正月

夏六月壬寅公會杞侯莒子盟于曲池

杞公羊穀梁作紀曲池公羊作

段蛇杜注魯地魯國汶陽縣北有曲水亭在今曲阜縣東北源出石門山

左
十二年夏盟于曲池平杞莒也

隱公四年莒人伐杞自是遂不平

杞當作紀是時紀為齊難危急甚矣魯桓切切為
紀謀故屢會焉而大國無與同心者曲池之盟僅
能與弱小之莒偕其不能為助而無救於紀之亡
也蓋可知矣

秋七月丁亥公會宋公燕人盟于穀丘

燕人杜注南燕大夫穀丘杜注

宋地在今山東曹州北

公欲平宋鄭秋公及宋公盟于句瀆之丘

句瀆之丘杜注

左傳即穀丘也今其地名句陽店宋以立厲公故多責賂于鄭鄭人不堪故不平

入春秋來燕未嘗見經杜預謂燕人南燕大夫以昭公三年書北燕伯款出奔齊知此為南燕也莊公之三十年齊伐山戎始為燕通道於周則此年及十三年所書為姞姓之燕可知矣左傳稱穀丘之盟亦為平鄭宋觀十三年四國來戰燕亦與焉則燕乃宋之與國而此盟之為鄭請可徵也

八月壬辰陳侯躍卒

壬辰七月二十三日書于八月從赴

公會宋公于虛

虛公羊作鄭杜注宋地疑在今河南睢州境

冬十有一月公會宋公于龜

龜杜注宋地疑在今河南睢州境

左傳宋成未可知也故又會于虛冬又會于龜

諸侯非王事不出境桓公委宗社人民五出與宋會厲民荒政甚矣魯宋五會之地閼魯地夫鍾亦近魯故宋公來會欲因魯以責賂虛龜與穀丘皆宋地故桓公往會欲為突請免賂觀所會之地而情事可推矣

丙戌公會鄭伯盟于武父

武父杜注鄭地陳留濟陽縣東北有武父城在今直隸東

明
西
南

左
傳

宋公辭平故與鄭伯盟于武父

鄭終不肯致賂宋遂辭平是以與鄭盟而謀宋也
突稱鄭伯不沒其實也雖篡弑之賊國人君之諸
侯君之其會盟侵伐苟不以爵書則非其實而亦
無以屬辭蓋列國之君書爵而一人獨書名則與
大夫之會盟會伐者無以異矣王迹既熄霸統未
興諸侯自擅無所稟命觀隱十年見兵革之亂也

桓十一年十二年見會盟之亂也霸統興而諸侯有所忌無復此亂矣故君子不得已而與桓文

丙戌衛侯晉卒

穀梁傳

再稱日決日義也

決日者謂二事決宜書
日故經兩舉日文也

通一經惟此重書日蓋冊書之體一日二事本宜各書其日而史所未詳不可復考偶有存者則仍其舊文耳或曰不應再書丙戌非後申則前子非也會盟宜日者也其不日者史失之耳武父之盟

既書日使晉卒不再書日則不知其卒於何日矣

十有二月及鄭師伐宋丁未戰于宋

左傳 遂帥師而伐宋戰焉宋無信也君子曰苟信不繼盟無益也詩云君子屢盟亂是用長無信也

詩小雅言無信

故數盟數盟則情疏
情疏而憾結故亂長

公羊傳 戰不言伐此其言伐何辟嫌也惡乎嫌嫌與鄭

人戰也不言伐則嫌內微者與鄭人于宋地故舉伐以明之此偏戰也何以

不言師敗績內不言戰言戰乃敗矣上十年卽戰之下已有此傳上

來戰于魯此往戰于

宋嫌其異故復明之

穀梁傳

非與所與伐戰也

非責也責魯又與其所與伐者戰也

不言與鄭

戰恥不和也于伐與戰敗也內諱敗舉其可道者也

戰輕于敗戰可

道而敗不可道

公及鄭伯十有一月盟于武父則十有二月伐宋者為公與鄭伯明矣內不書公而鄭亦稱師何也變文以著其罪也來戰者罪在彼往戰者罪在我宋人青賂不已固不為無過然魯桓取其賂以成

亂鄭突資其力以篡國及鄭以責賂背宋而魯遂
黨鄭渝數會之信連兵深入戰於國都邦交之翻
覆謀計之傾危若此此聖人所以深惡魯鄭也

附錄
左傳

楚伐絞軍其南門莫敖屈瑕曰絞小而輕輕則
寡謀請無扞采樵者以誘之扞衛從之絞人獲三十

也

人獲楚人也明日絞人爭出驅楚役徒于山中楚人坐其

北門而覆諸山下坐猶守也覆設伏兵而待之大敗之為城下之

盟而還伐絞之後楚師分涉于彭彭水名杜注在新
城昌魏縣今故昌

魏縣在湖廣

房縣西南

羅人欲伐之使伯嘉謀之三巡數之

羅杜

注熊姓國在宜城

縣西山中後徙南郡枝江縣今湖廣宜城縣西羅川城乃羅故國其在平江縣南之羅

城與湘陰縣接界者是後徙處

也伯嘉羅大夫謀伺也巡徧也

十有三年春

附錄
左傳

十三年春楚屈瑕伐羅鬪伯比送之還謂其御

曰莫敖必敗舉趾高心不固矣遂見楚子曰必濟師

難言屈瑕將敗
故以益師諷諫

楚子辭焉入告夫人鄧曼鄧曼曰大

夫其非衆之謂鄧曼楚武王夫人言其謂君撫小民

以信訓諸司以德而威莫教以刑也莫教狃于蒲騷
之役將自用也

狃狀也

必小羅君若不鎮撫其不設備

乎夫固謂君訓衆而好鎮撫之召諸司而勸之以令
德見莫教而告諸天之不假易也

言天不借貸慢易之人

不然

夫豈不知楚師之盡行也楚子使賴人追之不及

賴國

名子爵後漢志襄信侯國有賴亭故賴國襄信故縣在今息縣東北其賴亭在商城縣南皆屬河南光州杜注在義陽隨縣則去光州甚遠不知何據賴人仕于楚者

莫教使徇于師曰諫

者有刑徇宣及鄢亂次以濟

鄢杜注鄢水在襄陽宜城縣入漢今湖廣宜城

城南有宜

遂無次且不設備及羅羅與盧戎兩軍之

城故城

盧戎杜注南蠻即今中廬

谷

故城在湖廣南漳縣東

大敗之莫教縊于荒谷

荒

杜注楚地荊州記州東三里有三湖

湖東有水名荒谷在今湖廣荊州府

羣帥囚于冶父

冶父杜注楚地水經注荒谷東岸有冶父城在今荊州府東

以聽刑楚子曰孤之

罪也皆免之

二月公會紀侯鄭伯巳巳及齊侯宋公衛侯燕人戰齊

師宋師衛師燕師敗績

左傳宋多責賂于鄭鄭不堪命故以紀魯及齊與宋衛

燕戰不書所戰後也

公後地期不及其戰故不書所戰之地

鄭人來

請修好

公羊傳

曷為後日恃外也其恃外奈何得紀侯鄭伯然

後能為日也

得紀侯鄭伯之助然後乃能結戰日以勝

內不言戰此其言

戰何從外也

從外諸侯相與戰例

曷為從外恃外故從外也何

以不地近也惡乎近乎圍郎亦近矣郎何以地郎

猶可以地也

郎雖在郊內尚非攻城猶可以舉其地

穀梁傳其言及者由内及之也其曰戰者由外言之也

戰稱人敗稱師重衆也其不地于紀也

春秋戰無不
地鄭氏曰紀

當為已謂在魯
也字之誤耳

此戰先儒多主穀梁謂戰于紀其實當以公羊為
正蓋宋怨魯鄭伐其國都故連三國之師造於城
下無四鄙城邑可書故不地也使戰于紀則當書
齊侯宋公衛侯燕人伐紀公會鄭伯救紀及齊侯
宋公衛侯燕人戰事乃明著何為故隱其辭使人
莫辨哉首齊侯國彊而近魯故宋推以主兵也先

言會而後言日既會而後戰會與戰異日也衛侯
書爵先君未葬而以吉禮從金革之事也凡諸侯
在喪有境外之事以喪行者稱子以吉行者稱爵
志其惡有淺深也

三月葬衛宣公

列國諸侯之葬必我往會而始書魯方與衛戰而
不廢喪紀蓋魯秉周禮與衛舊睦故也


夏大水

自禹濬畎澗距川周公因之益詳井田溝洫之制
故年之豐凶一視農力而水旱不能為災周衰暴
君汚吏慢其經界司空之法不修於是水無所洩
旱無以溉尋常水旱猶或有蓄積可支苟遇大水
則不獨禾稼不登而廬舍人民且不可問矣春秋
備書於策所以悼禹功之遠憫周制之廢生民受
患而無以拯濟也

秋七月

冬十月

日講春秋解義卷七



覆校官檢討臣季學錦

校對官庶吉士臣許兆椿

謄錄監生臣李惠滋

謄錄監生臣胡容全